

**ԱԳՐՈԱՐԴՅՈՒՆԱԲԵՐԱԿԱՆ ԿՈՄՊԼԵՔՍԻ ՁԵՎԱՎՈՐՄԱՆ
ՄԻ ՔԱՆԻ ՀԱՐՑՆԸ**

Ա. Փ. ԵՆԳՈՅԱՆ

Ելնելով գյուղացիության շահերից և գյուղատնտեսության մեջ անտես-
սական հարաբերությունների կարգավորման առանձնահատկություններից՝
կուսակցությունն իր ագրարային քաղաքականությունն առանձնացնում է որ-
պես գործունեության համեմատաբար ինքնուրույն ուղղություն: Ագրոարդյու-
նաբերական կոմպլեքսը (ԱԱԿ) արդի ժամանակաշրջանում կուսակցության
ագրարային քաղաքականության հիմնական օղակներից է:

ԱԱԿ-ի էությունը և շրջանակների հարցի շուրջ գոյություն ունեն տարբեր
կարծիքներ: Որոշ տնտեսագետներ ԱԱԿ-ը գիտում են որպես պարենային
կոմպլեքս, որը ներգրավում է միայն պարեն արտադրող ճյուղերը¹: Ոմանք
էլ նրա կազմում ընդգրկում են 3 ոլորտ՝ գյուղատնտեսական սպասարկում,
արտադրական միջոցների արտադրություն անմիջապես գյուղատնտեսության
համար և, վերջապես, մթերման, վերամշակման, տեղափոխման, պահպան-
ման, արտադրանքի սպառման ճյուղերը²: Մի շարք գիտնականների կարծիքով,
ԱԱԿ-ի արդյունավետ գործունեության ապահովումը, այդ երեք ավանդական
ոլորտներից բացի, անհնար է առանց զարգացած ինֆրաստրուկտուրայի: Այդ
կապակցությամբ նրանք առաջարկում են ԱԱԿ-ի կազմում ներգրավել ևս եր-
կու ինֆրաստրուկտուրային օղակ՝ արտադրական, որն ընդգրկում է նյութա-
տեխնիկական մատակարարումը, սպասարկումն ու կապը, և սոցիալապա-
հարկում է բնակարանային ու կոմունալ տնտեսությունը, առողջապա-
հությունը (գյուղում), ինչպես նաև ԱԱԿ-ի բոլոր ոլորտները կադրերով ապա-
հովելու նպատակով ստեղծված համապատասխան համակարգը³: Այդ տեսա-
կետն առավել չափով է համապատասխանում ԱԱԿ-ի էությանը և նրա զար-
գացման օբյեկտիվ պրոցեսների բովանդակությանը:

ԱԱԿ-ը ձևավորվում է ոչ թե ինքնաբավ, այլ արտացոլում է տարբեր,
բայց փոխկապակցված գործունեության ձևերի ինտեգրացման ռեալ ընթաց-
քը: Դրանցից յուրաքանչյուրը հանդես է գալիս որպես սպառման ապրանք-
ների վերարտադրության միասնական պրոցեսի փուլերից և բաղադրիչ մա-
սերից մեկը: Այստեղ գյուղատնտեսության արտադրանքը ծառայում է իբրև
նյութական հիմք: Օբյեկտիվ զարգացող ինտեգրացիայի ընթացքում արդյու-
նաբերական և գյուղատնտեսական արտադրությունները միաձուլվում են մեկ
միասնական ագրոարդյունաբերական արտադրության պրոցեսում: Վ. Տիխո-
նովի կարծիքով ինտեգրացումն ագրոարդյունաբերական արտադրության ձե-
վավորման պրոցեսի բովանդակությունն է, իսկ ԱԱԿ-ի ստեղծումը՝ այդ պրո-
ցեսի ձևավորումը⁴: Պրոբլեմի նկատմամբ այդպիսի մոտեցումը լիովին գի-
տական է և արժանի է հավանության:

Հետպատերազմյան առաջին քսան տարիների ընթացքում ձևավորվեցին
գյուղատնտեսությանը սպասարկող խոշոր մեքենաշինական և վերամշակող
ճյուղերը: Ուժեղացավ դրանց ազդեցությունը կոլտնտեսությունների և սով-

¹ В. И. Кравцова, Общественное питание в народнохозяйственном комплексе, Алма-Ата, 1976, с. 61.

² Народнохозяйственный агропромышленный комплекс, М., 1980, с. 5.

³ Межхозяйственная кооперация и агропромышленная интеграция, Рига, 1979;
Э. Н. Крылатых, Пропорции и приоритеты в развитии АПК, М., 1983, с. 54.

⁴ Развитие аграрных отношений на современном этапе, М., 1983, с. 16.

խողների գործունեության արդյունքների վրա: Սակայն ԱԱԿ-ի ապագա պարտնյորների միջև կապերն իրականացվում էին տարբեր՝ մթերող, սպառող ու մատակարարող կազմակերպությունների միջոցով և կրում էին միջգերատեսչական բնույթ: Շատ հարցերում խանգարում էր նաև անձի պաշտամունքի տարիներին ձևավորված՝ ժողովրդական տնտեսության կառավարման վերին աստիճանի կենտրոնացված համակարգը: Տեղերում ժողտնտխորհների ստեղծման և միևիպարտությունների վերացման միջոցով դեմոկրատական կառավարման ձևեր արմատավորելու փորձերը ցանկալի արդյունքների չհանգեցրին: Այս տարիներին դրսևորվեց նաև տնտեսությունը զուտ տնտեսական մեթոդներով կառավարելու շատ ղեկավարների անդունակությունը: ԱԱԿ-ի ձևավորման այս փուլում դեռևս հստակ չէր կանխատեսված արտադրության վերջնական արդյունքներում պարտնյորների՝ միմյանց նկատմամբ շահագրգռվածության տնտեսական մեխանիզմի որոնումը և համապատասխան կառավարման համակարգի ստեղծումը: Այդպիսի որոնումը բնորոշ է այն փուլին, որի սկիզբն ընկնում է 1960-ական թվականների կեսերին: ՍՄԿԿ Կենտկոմի 1965 թ. մարտյան պլենումի որոշումները, չնայած իրենց առաջադիմական բնույթին, հանգեցին միայն էքստենսիվ փոփոխությունների (զգալիորեն շատացան կապիտալ ներդրումները գյուղատնտեսության մեջ և դրա հետ կապված արդյունաբերության ճյուղերում, ապագա ԱԱԿ-ի համակարգում յուրացվեցին նոր հզորություններ): Այդուհանդերձ, դրանք ևս որոշակի ազդեցություն ունեցան ԱԱԿ-ի ձևավորման գործում: Գյուղատնտեսության և նրան սպասարկող ճյուղերի նյութատեխնիկական բազայի զարգացումը հանգեցրեց ինտեգրացիոն պրոցեսների հետագա խորացմանը, միջտնտեսային և ագրոարդյունաբերական տիպի ձեռնարկությունների ու միավորումների շրջանակներում կազմակերպական-տեխնիկական և տնտեսական միասնության նոր ձևերի ստեղծմանն ու լայն տարածմանը:

ՍՄԿԿ XXIV—XXVI համագումարներում, Կենտկոմի 70—80-ական թվականներին կայացած պլենումներում, որոնք ընդունեցին գյուղատնտեսության զարգացման մասին համապատասխան որոշումներ, խոսքը ոչ միայն միջտնտեսային կոոպերացիայի և ագրոարդյունաբերական ինտեգրացիայի զարգացման, այլև հասարակական արտադրության մի ամբողջական ոլորտի մասին էր՝ իր տարածքային ստորաբաժանումներով: Դրանց վերջնական, միասնական նպատակն էր նվազագույն ծախսերով բավարարել գյուղատնտեսական արտադրանքի նկատմամբ երկրի պահանջները: Նույն ժամանակ հաստատվեց նաև այդ համակարգի միասնական անվանումը՝ ագրոարդյունաբերական կոմպլեքս:

Ինչպես երևում է, 1980-ական թվականների սկզբին ԱԱԿ-ը՝ որպես միմյանց հետ փոխկապակցված ժողովրդատնտեսական ճյուղերի ամբողջություն, հիմնականում ձևավորվեց: Այս հանգամանքը ժամանակի պահանջ դարձրեց ԱԱԿ-ի արդյունավետ կառավարման համակարգի առաջացումը: Գյուղացուության կողմից նման փորձ արվեց 1982—1985 թթ., որի հետևանքով վերից վար ստեղծվեցին այս համակարգի կառավարման մարմիններ: Չնայած իրենց գործունեության ցածր արդյունավետությանը, դրանք հնարավորություն տվեցին ԱԱԿ-ը մյուս ժողովրդատնտեսական կոմպլեքսներից կազմակերպորեն առանձնացնել: ԱԱԿ-ի ձևավորման պատմության վերլուծությունը թույլ է տալիս այդ պրոցեսը բաժանել հետևյալ փուլերի. 1966—1976 թթ.՝ ԱԱԿ-ի ձևավորման սկզբնական շրջան, 1976—1982 թթ.՝ ԱԱԿ-ի համակարգի միջճյուղային կապերի զարգացում և հիմնականում նրա ձևավորում, 1982—1985 թթ.՝ ժամանակակից ԱԱԿ-ի կազմակերպական ձևավորում, 1986 թ. սկսած՝ ԱԱԿ-ի զարգացում իր սեփական հիմքի վրա և նրա թեկոսումը խոր ինտեգրացված արտադրական համակարգի:

Ինչպես տեսնում ենք, ԱԱԿ-ի ձևավորման պրոցեսը դեռ չի կարելի ավարտված համարել: 1986 թ. սկիզբ է առնում մի շրջան, որի ընթացքում այն պետք է վերաճի օրգանապես ինտեգրացված, հստակ հաշվեկշռված և ներգաշնակորեն զարգացող արտադրական համակարգի: ԱԱԿ-ի ձևավորման

պրոցեսը կարելի է ավարտված համարել այն ժամանակ, երբ ապահովվի նրա բաղադրիչ բոլոր մասերի գործունեության ամուր փոխկապվածությունը, ստեղծվի գործուն մեխանիզմ, որն ուղղվի դրանց ժողովրդատնտեսական վերջնական էֆեկտի բարձրացմանը:

Այս ուղղությամբ կուսակցության կողմից տարվող աշխատանքներում զգալի տեղ է գրավում ԽՄԿԿ Կենտկոմի 1989 թ. մարտյան պլենումը: Նրա որոշումները կոչված են արմատապես վերափոխելու ԱՍԿ-ում տիրող իրավիճակը: Երկրի ժողովրդական տնտեսության այս սեկտորի պատմության խոր վերլուծությունը պլենումում ցույց տվեց, որ ԱՍԿ-ի զարգացումը անհնարին է առանց այնպիսի սրբազանների ստեղծման, ինչպիսիք են՝ նրա նյութատեխնիկական բազայի ամրապնդումը, գյուղի և քաղաքի միջև եղած հարաբերությունների արդարացի կոորդինացումը, տնտեսության կառավարման փոխադրումը դեմոկրատական հիմքերի վրա, գյուղի սոցիալական վիճակի բարելավումը և գյուղացուն դարձնելը, որպես հողի սեփականատեր⁵:

Այս համակարգում կարևոր տեղ է հատկացվում ԱՍԿ-ի կառավարման ավելի արդյունավետ ձևերի ստեղծման պրոբլեմին: Վերլուծենք կուսակցության կողմից այդ ուղղությամբ տարվող աշխատանքի փորձը:

Գյուղատնտեսական արտադրության մասնագիտացման և համակենտրոնացման պրոցեսների խորացումը 1970-ական թվականներին հանգեցրեց ԱՍԿ-ի համակարգում կառավարման բազմաթիվ ճյուղային մարմինների առաջացմանը: Այս հանգամանքը հանգեցրեց արդեն գործող համակարգի վրա կառավարման նոր կառուցվածքների շերտադասմանը, որն իր հերթին զգալիորեն բարդացրեց ԱՍԿ-ի ճյուղերի միջև արտադրական հարաբերությունները: Գյուղատնտեսության մեջ և դրա հետ կապված ճյուղերում կառավարման բազմաթիվ մարմինների ստեղծումը առաջ բերեց կրկնողություն և զուգահեռականություն, ուժեղացրեց ղեկավարման նախկին վարչահրամայական մեթոդները, հանգեցրեց վարչական ապարատի քանակական աճի, անմիջապես կոլտնտեսություններից և սովխոզներից որակյալ մասնագետների զգալի մասի արտահոսքի և, իբրև այս ամենի հետևանք, ցածրացրեց կառավարման արդյունավետությունը: ԱՍԿ-ի պլանավորման ու կառավարման գործում իշխում էր գերատեսչական (ճյուղային) սկզբունքը: Կոմպլեքսի համակարգում ընդգրկված ճյուղերը տնտեսապես մասնատված էին, դրանց գերատեսչական շահերը շատ դեպքերում չէին համապատասխանում ամբողջ ԱՍԿ-ի վերջնական նպատակներին:

ԱՍԿ-ի պարտնյորների գործունեության միջև եղած անհամաձայնեցվածությունը հատկապես զգացվում էր գյուղական շրջաններում, որոնք ոչ միայն վարչատարածքային միավորներ էին, այլև սոցիալ-տնտեսական հզոր համակարգեր: Այս պրոբլեմը հատկապես սրվեց կառավարման կենտրոնացված եղանակների առկայության պատճառով, որոնք պահանջում էին գյուղում տեղի ունեցող բոլոր պրոցեսների նկատմամբ ամենախիստ վերահսկողության սահմանում: Նման իրավիճակում գյուղատնտեսության շրջանային վարչություններն այլևս չէին կարող պահպանել իրենց կենսունակությունը, որովհետև հնարավորություն չունեին կառավարելու այդպիսի համակարգերով: Դրանց ֆունկցիաները սահմանափակված էին միայն գյուղատնտեսությամբ: Ժամանակի տրամաբանությունը թելադրում էր գյուղում ստեղծել կառավարման այնպիսի մարմիններ, որոնք ի վիճակի կլինեին ապահովել ղեկավարությունը ԱՍԿ-ի բոլոր ճյուղերի նկատմամբ: Այս ուղղությամբ առաջին քայլն արվեց գյուղական շրջաններում և մարզերում: ԽՄԿԿ Կենտկոմի 1982 թ. մայիսյան պլենումի որոշումների համաձայն գյուղական շրջաններում ստեղծվեցին շրջանային ագրոարդյունաբերական միավորումներ (ՇԱԱՄ): Սակայն ԱՍԿ-ի համակարգում պահպանվող միջգերատեսչական մասնատվածությունը դրանց հնարավորություն չտվեց լիովին կիրառել իրենց

⁵ Правда, 16. III. 1989.

իրավունքները: Միավորումները մնացել էին առանց կառավարման վերին օղակների: Միութենական հանրապետությունների միևնույն խորհուրդների նախագահություններին կից գործող ԱԱԿ-ի հարցերով զբաղվող հանձնաժողովները չէին օժտվել համապատասխան իրավունքներով, դրանց աշխատանքը կրում էր խորհրդակցական բնույթ: Անհրաժեշտություն ստեղծվեց ԱԱԿ-ի կառավարման միասնական մարմիններ կազմավորել արդեն հանրապետական և համամիութենական մակարդակով: Կուսակցության կողմից այդպիսի խնդիր առաջ քաշվեց ՍՄԿԿ Կենտկոմի 1985 թ. ապրիլյան պլենումում: Նույն տարվա նոյեմբերին երկրում կազմավորվեց ԱԱԿ-ի կառավարման միասնական մարմին՝ միութենական-հանրապետական ագրոարդյունաբերական պետական կոմիտե: Դրա ստեղծումը հանգեցրեց նաև ՇԱԱՄ-երի և տարածքային այլ միավորումների կառավարման համակարգի փոփոխման:

Ինչպես տեսնում ենք, 1982—1985 թթ. մեր երկրում ստեղծված ԱԱԿ-ի ղեկավարման կառուցվածքը տնտեսության կառավարման գոյություն ունեցող վերին աստիճանի կենտրոնացված համակարգի հետևանք էր: Մյուս կողմից, նշված ժամանակաշրջանում պարենային պրոբլեմի առկայությունը պահանջում էր գյուղի աշխատավորներին դարձնել ագրոարդյունաբերական արտադրության կառավարման ակտիվ մասնակիցներ: Այդ կապակցությամբ ՇԱԱՄ-երի գործունեության հիմքում դրվել էին որոշակի դեմոկրատական սկզբունքներ (ՇԱԱՄ-երի խորհուրդների ընտրություն, միջնուղային հանձնաժողովների ստեղծում և այլն): Սակայն գոյություն ունեցող աշխատանքի վարչահրամայական և դիրեկտիվ բյուրոկրատական մեթոդները խանգարեցին դրանց կիրառմանը: Թվում էր, թե պետագործողի ստեղծումից հետո ԱԱԿ-ի զարգացումը կընթանա էլ ավելի բարձր տեմպերով, քանի որ այդ մարմինը կոչված էր լուծելու ամենակարևոր խնդիրներից մեկը՝ միջգերատեսչական մասնատվածության վերացումը: Սակայն այդ ֆայլը չհանգեցրեց ԱԱԿ-ի կառավարման շրջանային և մարզային մարմինների ամրապնդմանը: Չնայած որոշակի կառուցվածքային փոփոխություններին, դրանք մնում էին վարչական մեթոդներով աշխատող կազմակերպություններ և ամենևին չէին նպաստում տնտեսությունների իսկական տնտեսական մեթոդներով ղեկավարելուն: Այս մարմինները գործում էին ոչ թե միավորումների անդամների շահերը բավարարելու նպատակով, այլ տարբեր ճանապարհներով սուբյեկտիվորեն կաշկանդում էին տնտեսության զարգացման օբյեկտիվ ընթացքը:

ԱԱԿ-ի կառավարման կատարելագործման հարցը քննարկվեց 1987 թ. նոյեմբերին ՍՄԿԿ Կենտկոմում կայացած գիտապրակտիկ կոնֆերանսում⁶: Նրա մասին խոսվեց նաև կուսակցության համամիութենական XIX կոնֆերանսում⁷: Այստեղ նշվեց այնպիսի ԱԱՄ-երի գործունեության արդյունավետության մասին, ինչպիսիք են ագրոարդյունաբերական կոմբինատները, ագրոֆիրմաները, գիտաարտադրական և արտադրական համակարգերը: Մեր կարծիքով, նման միավորումներում ագրոարդյունաբերական ինտեգրացիան հասնում է իր կատարյալ մակարդակին: Բացի այդ, մարզային և շրջանային շատ կուսակազմակերպություններ որոշակի փորձ էին կուտակել ԱԱԿ-ի կառավարման այլ ալտերնատիվ տարբերակների հայթայթման ուղղությամբ:

Երկրի որոշ շրջաններում ստեղծվում էին ԱԱՄ-եր, որոնց աշխատանքը հիմնված է ագրոարդյունաբերական կոոպերացիայի սկզբունքորեն նոր ձևի վրա: Դրանց կազմի մեջ մտնում են արտադրական-տեխնիկական, շինարարական, անասնապահական, բուսաբուծական և գյուղատնտեսության հետ կապ ունեցող այլ կոոպերատիվներ: Ի դեպ, նման ԱԱՄ-երում ընդգրկված են ինչպես կոոպերատիվ, այնպես էլ պետական ձեռնարկություններ: Այդ-

⁶ Նույն տեղում, 20.XI.1987.

⁷ См.: Материалы XIX Всесоюзной конференции Коммунистической партии Советского Союза, М., 1988, с. 10—11.

պիսի միավորումների գործունեությունը կոորդինացվում է ԱԱՄ-երի վարչությունների կողմից ստեղծված փոքրաթիվ վարչական ապարատներում⁸։ ԱԱՄ-ի կառավարման կատարելագործման այս ճանապարհը հնարավորություն է ստեղծում նրա ողջ աշխատանքը ենթարկել գյուղատնտեսությանը։

Որոշ շրջաններում կիրառվեց ԱԱՄ-երի կառավարման հետաքրքիր եղանակ։ Այստեղ հրաժարվում էին ինչպես ՇԱԱՄ-երից, այնպես էլ վարչական ապարատներից։ Ագրոտարդյունաբերական արտադրության բարձր ցուցանիշների հասնելու համար նման ԱԱՄ-երում հիմնական շեշտը դրվում է միավորումների բոլոր օղակների լրիվ տնտեսաշվարկի, ինքնաֆինանսավորման, ինքնաժառանգածակման և ինքնավարման սկզբունքներով աշխատանքի անցնելու վրա⁹։ Շրջանային ԱԱԿ-ի կառավարման այդպիսի ձևը նախատեսում է ինչպես ապրանքադրամական հարաբերությունների ակտիվ կիրառում, այնպես էլ՝ ագրոտարդյունաբերական արտադրության մեջ շուկայական հարաբերությունների տարրերի ներդրում։ Նման ԱԱՄ-երի գործունեությունն անհնար է առանց կառավարման իսկապես տնտեսական մեթոդների գործածման։

ՄԱԿԿ Կենտկոմի 1989 թ. մարտյան պլենումը քննարկելով ագրարային քաղաքականության պրոբլեմները, առանձնակի ուշադրություն դարձրեց ԱԱԿ-ի կառավարման համակարգի վերակառուցման հարցերին։ Նկատի ունենալով, որ Միության հանրապետություններն իրավունք են ստացել տնօրինելու համապատասխան տարածքային ԱԱԿ-երը, դրանք տեղափոխելով ինքնաժառանգածակման, որը զգալիորեն բարձրացնում է հանրապետական պետագործարքերի դերն ու նշանակությունը, պլենումը նպատակահարմար գտավ վերացնել ՄՍՀՄ պետագործարքը և դրա փոխարեն ստեղծել ՄՍՀՄ Մի-նիստների խորհրդին կից պարենի և մթերումների հարցերով զբաղվող պետական հանձնաժողով։ Այս մարմինը կոչված է ապահովելու երկրի ԱԱԿ-ի ներդաշնակ և համամասնորեն զարգացումը, շմիջամտելով հանրապետությունների համապատասխան տնտեսական համակարգերի գործունեությանը։ Բացի այդ, պլենումում խորհուրդ տրվեց տեղերում ՇԱԱՄ-երը փոխարինել ԱԱԿ-ի կառավարման ավելի դեմոկրատական մարմիններով, որոնց կազմավորումը պետք է դրվի կամավորության և տնտեսական նպատակահարմարության հիմքերի վրա։

Արդի ժամանակաշրջանում մեծ նշանակություն է տրվում հանրապետական պետագործարքերի ֆունկցիաների կրճատմանն ու ճշգրտմանն այն առումով, որ դրանք նպաստեն բոլոր արտադրական օղակների ինքնուրույնության բարձրացմանը, կառավարման տնտեսական մեթոդների արմատավորմանը։ Մեր կարծիքով դրանց գործունեության հիմնական ուղղություններ պետք է հանդիսանան ԱԱԿ-ի ճյուղերում գիտության և տեխնիկայի նվաճումների ներդրումը (ոչ թե ստիպողական եղանակով, այլ դրանց մասին սպառիչ ինֆորմացիա և անհրաժեշտ առաջարկություններ տալով), կոմպլեքսի համամասնորեն և ներդաշնակ զարգացման ապահովումը (պետական պատվերների միջոցով), օգնությունը սկզբնական արտադրական օղակներին՝ արտասահմանի հետ կապերն ամրապնդելու ուղղությամբ և այլն։ ԱԱԿ-ի կառավարման այս մարմինները պետք է հանդիսանան նաև ինֆորմացիայի կենտրոններ, որոնք կնպաստեն տնտեսությունների, ձեռնարկությունների և միավորումների միջև տնտեսական պայմանագրերի կնքմանը։

Ամփոփելով շարադրածը, նշենք, որ կուսակցության և կառավարության վերջին որոշումների կենսագործումն ամենևին չի արգելակում ԱԱԿ-ի կառավարման մեխանիզմի կատարելագործման պրոցեսը։ Ինչպես երկրի ժողովրդատնտեսական բոլոր համակարգերում, այնպես էլ ԱԱԿ-ում կառավարման կատարելագործումը կընթանա այս սիստեմի արտադրական ուժերի զարգացմանը զուգահեռ։

⁸ Правда, 1. XII. 1987.

⁹ Известия, 13. III. 1988.

НЕКОТОРЫЕ ВОПРОСЫ ФОРМИРОВАНИЯ АГРОПРОМЫШЛЕННОГО КОМПЛЕКСА

А. П. ЕНГОЯН

Резюме

Агропромышленный комплекс (АПК) формируется не произвольно, а как отражение реально развивающегося процесса интеграции разнородных, но взаимосвязанных стадий единого процесса воспроизводства предметов потребления, где материальная основа—продукция сельского хозяйства. Анализ истории формирования АПК позволяет провести периодизацию этого процесса, который с середины 60-ых годов включает 4 этапа. Формирование АПК закончится с его преобразованием в глубоко интегрированную производственную систему.

АПК—единственная сфера экономики, где была создана система межотраслевых органов управления сверху донизу. Этот фактор, а также происходящие в системе АПК процессы совершенствования его хозяйственного механизма и укрепления материально-технической базы диктовали необходимость поиска наиболее приемлемых форм управления АПК.